

Uunga siunnersuut: Kalaallit qimmiinik qimuttunik qimmeqarneq illersuinerlu pillugit Inatsisartut Inatsisaat

(Aalisarnermut Piniarnermullu Naalakkersuisoq)

Saqqummiussissut**Siullermeerneqarnera**

Kalaallit qimmiinik qimuttunik qimmiuteqarneq illersuinerlu pillugit Inatsisartut inatsisissaattut siunnersuut matumuuna saqqummiuppara.

Siunnersuummut tunngaviusoq tassaavoq kalaallit qimmiisa qimuttut qimminit nalinginnaasunit qitsunnillu immikkoortinneqarnissaannik illersuinissamillu kissaateqarneq. Taamaammat kalaallit qimmiinik qimuttunik qimmiuteqarneq illersuinerlu pillugit inatsisissatut siunnersuummi qimmit qitsuilu qimmiuteqarneq qitsuuteqarnerlu pillugit Inatsisartut inatsisaanni Inatsisartunit suliarineqartussanngorlugu peqatigitillugu saqqummiunneqartumi immikkoortinneqassapput.

Inatsisartut inatsisaanni uani qimminik qimuttunik isumassuilluni passussisarnerup annertunerusumik isiginiarneqarnissaa atuutilersinneqarpoq, qimuttunillu qimmiuteqarnissamut piunasaqaatit arlallit ingerlateqqinneqarlutik annertusarneqarlutillu, tassunga ilanngullu ID-mik meqqiliisarneq nalunaarsuisarnerlu, akiuussutissanik kapuisarnermik piunasaqaatit aammalu qimmit qimuttut kommunimi imaluunniit kommunimit ataatsimit allamut nuunneqaraangata nalunaaruteqartarnissamik piunasaqaat atuutilersinneqarluni.

Siunnersuutikkut qimuttunik qanoq assigiiaamik illersorneqarsinnaasumillu qimmiuteqarnissamut passussisarinnissamullu sinaakkusiisoqarpoq. Tulliullugu malittarisassani anguniarneqartoq tassaavoq kalaallit qimmii qimuttut piffissami ilaatigut nappaalasoqartarnerata kinguneranik ikiliartorneranni illersorneqarnissaat aammalu inooriaatsip silallu pissusiata allanngornerisigut qimmit qimuttut atornagit snescooterit atorneqarnerulernerannik kinguneqartoq immamilu sikup annikilliarternera. Illersuinissamik isiginninniarnissap maannakkut illersuutissanik kapuisarnermik aamma ingerlatitseqqiiiviusoq annertusarneqartullu takutippaa aammalu qeqertat qimmiliiffiusartut qimminillu sukkaniuuttarnermut ileqquusumut nutaanik malittarisassaqaalerluni.

Siunnersut Inatsisartunut matumuuna suliassanngortippara.